



Future-proofing our children

Sikolo sa la Sunda: 2

Toho ya Tuto

Makazo ya Jesu ya pili

Buka ya Bashemi
Sikolo sa la Sunda sa mwa malapa



Balatiwa Bashemi

Mu amuhelwa kwa tuto ya “**Makazo ya Jesu ya pili**” ya sikolo sa banana sa la Sunda 2. Pampili ye, imi tusa hainyani ka mo, muswanela ku fela tuto ye:

Mo muswanela ku itukiseza ni fa tuto ye

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kuez
1.	Mu kena fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: • Bibe • Ma pampili a likisizwe kale a tuto ye. • Buka mwa sebeleza mwanana, lopitoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fa halimu a tuto (ha ku konahala) • Katekisma ni buka ya lipuzo ni likalabo (Kwa banana ba bali mwa lotopa za Tiisezo) Mamela: 2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kau hanyizwe ka itopa (Sikolo sa la Sunda, Taelo ya silumeli ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela Yena.
4.	Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa Malapa

Mo kuswanehela ku itukiseza ni fa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumanaha ku amana in Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amanwi a sikolo sa la sunda.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zemwi ku amana ni tuto ye.

 Notes



Tuto

Toho ya tuto	Makazo ya Jesu ya pili
Timana ya Bibe	Joani 2: 1-11
Mutomo/ butokwa bwa tuto	Banana ba ituta kuli Jesu u kona ku eza, za sa koni ku eza mutu. Sina ka mwana Mulimu, una ni maata. Zibo ye i tiisa tumelo ya banana.

Tuto ye kusufalizwe:

- Jesu ni balutiwa ba hae ne ba memilwe kwa mukiti wa linyalo, mwa munzi wa Kana mwa naha ya Galilea, teni ne ba inzi mwa hala baeñi bene ba tabile ahulu, inze ba ikola lico ni lino.
- Maria mahe Jesu ni yena na li teni, mi na tabile ahulu ku bona mwana hae hape.
- Fa hala mukiti, batanga ba kala ku shobota shobota, sina buñata bwa likomoki za waine za baeñi hane ne se lili mukungulu; waine ne i felile mukiti inge usa nzi kwa hule ni ku fela.
- Maria a bona taba ye mi a bulelela Jesu. Ki ha sa ya kwa batanga, a supa Jesu mi aba bulelela ali: “Mu eze za ka mi bulelela kaufela.”
- Fande, ne ku na ni lipiza ze tuna za macwe ze silezi, ze ne ba itusisanga bapoti ha ba tapa, ka ku latelela sizo sa bona, pili ba sika ca kale. Mulen Jesu a bulelela babeleki/ batanga, a li, “A mu taze lipiza ze ka mezi!”. Batanga ba eza ka mwa bulelezi Jesu.
- Jesu kiha ba bulelela, a li, “Cwale mu ke mwa mezi ao, mi mu a iseze ya zamaisa mukiti.” Batanga ne ba hakanyeha hainyani kono ba hupula manzwi a Maria.
- Makazo ya ezahala. Mezi na fetuhile!
- Liñusa la makazo yeo, la hasana mwa hala baeñi/bapoti, mi kaufela bona ba talima Mulena Jesu ni ku ipuza kuli: “Ki mañi yoo, ya kona ku eza makazo ye cwana?”
- Balutiwa ba nyakalala. Ba boni maata a Mulena.
- Tumelo ya bona ya tiya ni ku fita, ba lumela ku yena.
- Ba bata/tabela ku latelele mwana Mulimu, ni ku ina/pila ni yena ku ya ku ile.



Kanti tuto ye italusa sikamañi ku luna kacenu?

- Maria na file batanga kelezo ya butokwa lizazi lani: “Mu eze za ka mi bulelela kaufela.” Ni luna lu swanela ku kuteka ni ku latelela likelezo za baeteleli ba keleke ni za bashemi ba luna.
- Ye, neli makazo ya pili kwa limakazo ze zeñata za na ezize Mulena Jesu. Jesu ki mwana Mulimu, mi ki yena feela ya na ni maata aku eza limakazo.
- Bukacenu le, lu zwela pili ku bona limakazo za Mulena mwa bupilo bwa luna, mi li tiisa tumelo ya luna.
- Limakazo ze, ki mukwa wa ku supeza lilato la hae ku luna.
- Sina balutiwa bani, ni luna lu swanela ku tabela ku latelela mwana Mulimu ni ku mu beya mwa lipili za luna ku ya kuile.

Lipuzo zemwi ze lu kona ku buza:

1. Ki sika mañi seo Maria na bulelezi batanga kuli ba si eze?

Kalabo: Na ba bulelezi kuli ba eze kaufela sa na ka ba bulelela Jesu kuli ba si eze.

2. Ki Makazo mañi yeo Jesu na ezize lizazi leo?

Kalabo: Jesu na fetuzi mezi ku a eza waine.

3. Balutiwa ne ba ezize sika mañi?

Kalabo: Tumelo ya bona ku Jesu, ya tiya ni ku fita, ba lumela ku yena, mi ba bata/tabela ku mu latelele, ni ku ina/pila ni yena ku ya ku ile.

Tapelo ya Bo Ndate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kachenu

Fuyola bashemi ni banana ba luna

Tusa kuli lukone ku lemuha ku bateni kwa Hao

Fuyola tuto ye lu taba ni yona

Lwa kupa, ulu lute mo lu swanela kuku sebeleza

Mi ulutuse ku eza tato ya Hao

Kuli lu hule mwa kuba bukaufi ni Wena

Luma Jesu ato lunga

Mi ulutuse kuba baba itukiselize ku mukatanyeza

Mwa libizo la Jesu lwa lapela

Amen